



行路的體會

紅嬰仔落塗的時，規身軀軟荍荍，袂曉坐、袂曉爬，干焦會當予人抱。有跤袂行路，毋是毋願行，是雙跤袂接力。毋過，伊會踢，愈踢就愈有力。杳杳仔，伊就會曉坐、會曉爬。這個時陣，跤頭跌毋知疼，親像毋驚風湧的細隻船仔，離開父母用雙手圍起來的港口，搖啊搖，搖對生份的所在去。

會坐期待會爬，會爬期待會行。杳杳仔，好奇的目睷帶領雙跤聊聊仔倚起來，才發現：「看會著的物件愈濟，看會著的所在愈闊！」這個時陣，有力的雙跤已經停袂落來矣，想欲趕緊去欣賞這個五花十色的世界，行路的日子就對遮一步一步開始！

自細漢到大漢，行過的路毋知有佹長？看過的物件毋知有佹濟？毋過，敢閣有拄仔學行彼當陣的歡喜佹趣味？啥物原因予「行路」煞來變做麻痺的動作？行過公園無看著花草；行過田園無看著稻草；來到河邊，無聽著水流聲；經過大海，毋知風湧有佹大？是按怎咧？我看這攏是失去好奇佹期待！

咱對出世開始，就一直咧學習，學坐、學爬、學講話。等到去學校讀冊，開始學習數學、國語、天文、地理，猶閣有做人做事的道理。檢采，咱若是用「好奇」的心理來探討遮的學問佹義理，是毋是會增加學習的趣味咧？有一句話講了真好：「食一歲，學一歲。」現此時的科技遮爾發達，逐工都有新奇的物件佹技術出現，敢講你攏袂好奇明仔載的世界會變啥欸？

逐个人的心內攏有「好奇」的栽仔，咱需要的就是用「期待」的養份來共伊照顧。「期待」的養份需要調配，伊愛用三份的「耐心」、三份的「信心」加上四份的「拍拚」，園入去「目標」的甕仔內底攪攪咧。製造好勢的養份逐工掖仔「好奇」的栽仔，年久月深，「好奇」的栽仔會生炭，會開「歡喜」的花，會結「成功」的子。到時陣，你就會知影，用心行路，就會耒咱行向美麗的新樂園。

作者：徐華聲

☆詞彙學習☆

【軟荍荍】nng-siô-siô：有氣無力的樣子。

不認識的或不熟悉的。

【接力】tsih-lât：承重。承受重量、力量。

【檢采】kiám-tshái：如果、或許、萬一、說不定。

【風湧】hong-íng：風浪。指海上的風浪。

【好勢】hó-sè：事情順利推演。

【生份】senn-hün/sinn-hün：又唸作 tshenn-hün/tshinn-hün。陌生。沒見過的、

【耒】tshuā：帶領、引導。